



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LOKUTHOMA (P1)**

**2021**

**UMHLAHLANDLELA WOKUTSHWAYA**

**IMITLOMELO: 80**

**Umhlahandlela wokutshwaya lo unamakhasi ali-9.**

## ISIGABA A: UKUFUNDA NOKUZWISISA

### UMBUZO 1

#### Ukutshwaywa kwesifundo sokuzwisisa

- Ngebanga lokobana umnqopho omkhulu ukuzwisisa, amagama angakapeledwa kuhle neemphoso zelimi eempendulweni azingajeziswa ngaphandle kobana mhlamunye iimphoso ezenziweko zitjhugulula nofana zilahlekisa umqondo/ukuzwisiseka kwependulo. (Iimphoswezo kufanele zitjengiswe/zivezwe).
- Nangabe umfundi usebenzise amagama avela kamanye amalimi angasi ngewelimi ahlolwa ngalo, ungawatjheji/eqisele amehlo amagama lawo, nangabe amagama lawo anemba ipendulo, ungajezisi. Kodwana nangabe etheksthini kusetjenziswe igama elivela kwelinye ilimi begodu lifanele libe yipendulo, lamukelekile.
- Imibuzo evulekileko efuna iimpendulo ezifuna u-**iye** nofana **awa**, **ngiyavuma** nofana **ngiyaphika**, **liqiniso** nofana **mbono**, **liqiniso** nofana **akusilo iqiniso**, **kulungile** nofana **akukalungi**, **mbono omuhle** nofana **akusimbono omuhle**, **sisenzo esihle** nofana **sisenzo esimbi** azinikelwa umtlomelo kodwana kutlonyeliswa ukusekela kwaphela (**IMITLOMELO YOKE NGEYOKUSEKELA**).
- Nangabe kulindeleke ipendulo yegama elilodwa kodwana umfundi unikele umutjho woke, mtlomelise nangabe igama eliyipendulo enembako ulithalele/uligwale ngepeni enombala ohlukileko (highlighted).
- Nangabe kufuneka amaphuzu amabili/amathathu kodwana umfundi unikele amanengi, kwaphela tshwaya wokuthoma amabili/amathathu.
- Yamukela ukuhlukana kwelimi lesiphande (isiNzunza nesiNala).
- Emibuzweni la kukhethwa khona ipendulo enembako, yamukela KOKUBILI iledere elikhambisana nependulo ekungiyi NOFANA ipendulo etlolwe ngokuzeleko.

- 1.1.1 INdlovu Youth Choir beyingenele iphaliswano le-America's Got Talent. (1)
- 1.1.2 INdlovu Youth Choir ivela eDennilton esifundeni seLimpopo. (2)
- 1.1.3 UDorhoda Tempelman wayefuna ukwenza umehluko ebantwini abatthagako ekufumaneni isekelo kezepilo. (1)
- 1.1.4 INdlovu Youth Choir yakara ababukeli ababekhona ephaliswaneni ngemisikinyo yomzimba nomvumo owathinta imizwa yabantu neyabosaziwako abaphambili. (2)
- 1.1.5 - USho Madjozi neNdlovu Youth Choir babavumi beengoma. (1)
- Bazibandakanya emaphaliswaneni wangaphetjheya. (1)
- 1.1.6 UZozibini wathumba iphaliswano labonobuhle ngeenhluthu zakhe zemvelo kanti abanobuhle bangaphambilini be bathumba iphaliswano bathwele iinhluthu zokufakelwa. (2)

- 1.1.7 - Wangenela iphaliswano lokuba nguNomhlekhabo wenarha kodwana wahluleka emzombeni wesibili, wabuyelela bewagcina sele alithumbile. ngenyanga kaRhoboyi emnyakeni wee-2019.  
- Wagcina angenele iphaliswano lokuba nguNomhlekhabo wephasi mazombe (*miss universe*).  
(Yinye ipendulo kezingehla.) (2)
- 1.1.8 Liqiniso ngombana nawuqala amaphaliswano womnyaka wee-2019 babantu bengubo abathumbileko njengoSho Madjozi, kwaba bentazana bebhola ephoswako kwagcina ngoZozibini Tunzi. (2)
- 1.1.9 A Abantu beSewula Afrika baba nokubumbana nokusebenzisana ngesikhathi somdlalo wamaBhokobhoko nayithumba ngebhegere yephasi. (1)
- B Umnotho weSewula Afrika uyakhuphuka ngombana abantu babukele ndawonye bathenge ukudla neenselo endaweni lapha babukela khona abomabonakude./Inarha ethumbe ibhegere yephasi iphiwa isizumbulu semali. (1)
- 1.1.10 A Abadosi phambili babantu bengubo bayatlhayela. (2)
- 1.1.11 A Izenzo zakaDorhoder Hugo Tempelman zifundisa abantu beSewula Afrika ukuzinikela emsebenzinabo/Ukwenza koke okusemandleni ukusiza abantu abatlhagako/Ukunikela ngemalakho ekuthuthukiseni abantu abasesebatjha.
- B Nawumdosiphambili kuqakathekile bona izinto uzenze tihatjhalazi ukwenzela bona isiqhema sakho sikuthande./Ungabi nebandlululo, nikela boke abantu amathuba ukuya ngekghono labo. (2)
- 1.1.12 Abentwana ebakhulela eendaweni zemakhaya bangakhuthazwa ngokobana bazibandakanye kizo zoke izinto ezenzeka emiphakathini yemakhabo/Bangenele woke amaphaliswano ebahlangana nawo basese seenkolweni/Bangenele imidlalo ehlukahlukene emiphakathini nesikolweni/Babe nabantu abaqalele kibo (*role models*.) (2)
- 1.1.13 UZozibini angavakatjhela iinkolo/ngemasondweni nalapha abentazinyana bahlangana khona ngobunengi abafundise ngemikhakha abangaba badosi phambili kiyo.  
(Ipendulo enembako izakwamukelwa.) (2)

- 1.2      1.2.1    Umma lo nguNgqongqotjhe wezeFundo eSisekelo. (1)
- 1.2.2    Esithombenesi kuvezwe abafundi abaphumelele ngamalengiso eemfundweni zabo. Bahlezi neenkulu zomNyango wezeFundo ezibathokozisa ngomsebenzi omuhle ebawenzileko. (1)
- 1.2.3    Ukuphakanyiswa kwezandla nemikhonokhu kusitjela bona abantwaba bathabile/bajabulile. (1)
- 1.2.4    IVodacom yikhamphani esekele ngeemali emnyanyeni lo obewenzelwe ukuthokozisa abafundaba. (1)
- 1.2.5    Abantu abasesebatjha khulukhulu ngeenkolweni bazokukhuthazeka bafunde ngamandla ngehloso yokobana nabo bafuna ukuzibona bahlangana neenkulu zefundo njengabafundaba abasesithombeni esingehla. (2)

**IMITLOMELO YESIGABA A:      30**

**ISIGABA B: UKURHUNYEZA****UMBUZO 2**

Ukurhunyeza okumayelana neendlela ezingenza bona imizimbethu ihlale iphilile.

**TJHEJA:** Imidzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopha etheksthini.

	<b>Umdzubhulo osetheksthini</b>		<b>Iphuzu eliqakathekileko</b>
A	<i>'Phila ngokuthabulula umzimbakho nawuzakuhlala uphilile.'</i>	1	Kuqakathekile bona uthabulule umzimbakho ukuze uhlale uphilile.
B	<i>'Hlamba izandla zakho nawubuya endlwaneni. Lokhu kwenze nanyana ugade uhlangana nabantu abanengi njengalapha kuneenthuthi zomphakathi'</i>	2	Khuthalela ukuhlamba izandla njalo nje nawubuya endlwaneni nalokha umumuntu okhamba ngeenthuthi zomphakathi.
C	<i>'Umzimba awusebenze kodwana kuqakathekile bona ulale ngokwaneleko.'</i>	3	Lala ngokwaneleko wenzele bona umzimbakho uphumule.
D	<i>'Lawula ukugandeleleka ngokomkhumbulo.'</i>	4	Ungavumeli ukugandeleleka ngokomkhumbulo.
E	<i>'Sela khulu amanzi.' Amanzi alawula izinga lokutjhiswa emzimbeni, asize nokobana amathambo angaruhlani.</i>	5	Amanzi asele ngokwaneleko ngombana asusa izinto ezingafunekiko emzimbeni.
F	<i>'Ungabi mamathe nelimu wena notjwala.'</i>	6	Ungathandi ukusela khulu utjwala bubulala amasotja womzimba.
G	<i>'Zihlolise msinyana kibodorhoda nawungazizwa kuhle ungatjhingisi ilanga.'</i>	7	Utjheje umzimbakho ngokuwuhlolisa kibodorhoda.

[47 amagama]

**IGRIDI YOKUTSHWAYA ISIRHUNYEZO.****Isirhunyezo kumele sitshwaywe ngalendlela:**

- **Ukwabiwa kwemitlomelo:**
  - 7 imitlomelo emaphuzwini ali-7 (Umtlomelo owo-1 kilelo nalelo phuzu eliqakathekileko).
  - 3 imitlomelo yelimi.
  - Inani loke: 10.
- **Ukwabiwa kwemitlomelo yelimi.**
  - 1–3 yamaphuzu alungileko: nikela umtlomelo owo-1 welimi.
  - 4–5 yamaphuzu alungileko: nikela imitlomelo emi-2 yelimi.
  - 6–7 yamaphuzu alungileko: nikela imitlomelo emi-3 yelimi.

(Tshwaya indima engehla ngokutjengisa umutjho oliphuzu ngetshwayo).
- **Ukwabiwa kwemitlomelo yelimi lokha umfundi nakadzubhule imitjho njengoba injalo etheksthini:**
  - 6–7 yemidzubhulo: **unganikeli** umtlomelo welimi.
  - 1–5 yemidzubhulo: nikela umtlomelo owo-1 welimi.
- **Ukubalwa kwamagama:**
  - Abatshwayi kumele baqinisekise inani lamagama asetjenzisweko.
  - Ungaphunguli imitlomelo nangabe ohlolwako akhenge atjengise inani lamagama alisebenzisileko namkha nangabe inani atlole bona ulisebenzisile akusingilo. Nangabe ubude obulindelweko budlulile, funda bewufike emagameni ama-5 bese awusarageli phambili nesirhunyezweko.
  - Iinrhunyezo ezifitjhani kodwana zinawo woke amaphuzu aqakathekileko akukameli zijeziswe.

**IMITLOMELO YESIGABA B: 10**

**ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3****Ukutshwaywa KWESIGABA C**

- **Ukupeleda:**

- Iimpendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso eyenziweko itjhugulula okutjhiwo ligamelo/yihlathululo yegamelo.
- Eempendulweni ezimumutjho opheleleko, ukungapeledi kuhle akujeziswe nangabe iimphoso zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko (ungci).

- Ukwakheka kwemitjho kumele kukhambelane nehlelo begodu kunikelwe ngemitjho ezeleko njengokutjho komlayo.
- Emibuzweni la kukhethwa ipendulo enembako, yamukela KOKUBILI iledere elikhambisana nependulo engiyo NANYANA ipendulo nayitlolwe ngokuzeleko.

- 3.1 - Kufanele uyokwenza amabizelo anesifundo sesiNdebele.  
- kufanele umfundi aphumelele ngamalengiso  
- Kufanele bona ababelethi bakho barhole ngaphasi kwe-R100 000 ngomnyaka.  
(Yinye ipendulo kezingehla.) (1)
- 3.2 I-Asithuthukiseni isiNdebele yamukela abafundi abayokwenza isifundo sesiNdebele emazikweni aphakamileko. (2)
- 3.3 Ibhazari libolekwe elimini lesiNgisi/English. (1)
- 3.4 Kwamukelwa abafundi bababelethi abarhola ngaphezulu kwe-R100 000 ngomnyaka. (1)
- 3.5 Ipambosi yokwenzela. (1)
- 3.6 - Libizomuntu. (1)  
- Lisuselwa esenzweni. (1)
- 3.7 Umnyaka lo uVumazoke udosa emhlweni ngesifundo seemBalo.  
Ithuba nalifikileko libambe ngezandla zombili lingakatjhangi ilanga ngombana ikusasa alaziwa.  
(Umfundi akasebenzise isitjho esisodwa kezingehla.) (2)

**[10]**

**UMBUZO 4**

- 4.1 - Kubonakala itafudlana yomfundi.  
 - Kubonakala ibhodi lapho utitjhere atlole khona.  
 - Kubonakala isitudlwana somfundi.  
 - Kubonakala incwadi phezu kwetafula.  
 - Kubonakala ibholipheni yomfundi.  
 (Zimbili iimpendulo kezingehla.) (2)
- 4.2 Yena akakatloli wona awunikelwe izolo. (2)
- 4.3 Itlaseli alikandi ngamahlongandlebe. (1)
- 4.4 Umsebenzi – libizo. (1)  
 Wami- bunikazi/bumnini. (1)
- 4.5 Sewujame ngeenyawokazi kwenzenjani? (1)
- 4.6 USabelo warabhela/wabawa ukulitjalelwa/wancancabeza ngaphambi kobana  
 apihiwe imvumo yokuya endlwaneni. (2)  
**[10]**

**UMBUZO 5**

- 5.1 5.1.1 UNomakhuwa ukhuluma nje ababelethi/abazali sebaba mathambo  
 amhlophe. (1)
- 5.1.2 Udadwabo wathoma ukumkhulisa aseseneminyaka  
 elisumi/elitjhumu. (1)
- 5.1.3 Namhlanje kungoMgg. nangu sele abizwa ngoDorh. Ntuli. (2)
- 5.1.4 Umnakwethu uwele nentanga yaMathula/kumnandi ukutjheba  
 ngeentanga zomgade ezikhanzingiweko.  
 (Ipendulo enembako izakwamukelwa.) (2)
- 5.1.5 UNaNtuli mumuntu wengubo owendileko nobelethwa kwaNtuli  
 bese uNantuli libizo lomntwana womntazana. (2)
- 5.1.6 UNomakhuwa uthe uyalithokoza isekelo labo/UNomakhuwa uthe  
 uthokoza isekelo labo. (2)
- 5.1.7 Umakhelwana uthe nakakhamba aya ngedorobheni wangibawa  
 bona ngimphosele amehlo ngakwakhe.  
 (Ipendulo enembako izakwamukelwa.) (2)
- 5.1.8 Amagama la amumethe umqondo wokududuza/wokuzwelana  
 asetjenziswa umuntu nakezwe ubuhlungu. (2)



- 5.2      5.2.1      USho Madjozi wahlangana noJohn Cena eLos Angeles. (1)
- 5.2.2      UJohn Cena uthabile ngombana umvumi utlame ingoma ngaye. (2)
- 5.2.3      USho Madjozi unomzinjana olula kungebangelo akghona (1)  
ukuzigidela kangaka iingoma zakhe.
- 5.2.4      Umvumi uletha ithabo emuntwini omutjha. (2)
- [20]**

**IMITLOMELO YESIGABA C: 40**  
**INANI LOKE: 80**